

En virtude das competencias que me outorga o artigo 21.1 m) e s) da Lei 7/1985, de 2 de abril, Reguladora das Bases de Réxime Local.

Tendo en conta a crise sanitaria provocada polo coronavirus COVID-19 que motivou a necesidade de adopción de medidas excepcionais dende o pasado 15 de marzo, co fin de preservar a seguridade e saúde pública.

Vista a ORDE do 3 de decembro de 2020, da Consellería de Sanidade, pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia.

Visto o DECRETO 202/2020, do 3 de decembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2.

Vista a ORDE do 19 de xaneiro de 2021 pola que se modifica a Orde do 3 de decembro de 2020 pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia.

Visto o DECRETO 5/2021, do 19 de xaneiro, polo que se modifica o Decreto 202/2020, do 3 de decembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do disposto polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARSCoV-2

Resultando nas referidas Orde e Decreto se establecen medidas que afectan a servizos municipais, cómpre realizar unha análise dos mesmos co fin de adoptar as medidas que correspondan para a adaptación á nova normativa, así como en aras a garantir a seguridade da veciñanza, tendo en conta a situación epidemiolóxica deste Concello.

## RESOLVO

**Primeiro.- Acordar o peche ao público e a suspensión total das actividades do Teatro Pastor Díaz.** Os empregados municipais adscritos aos postos de traballo deste Servizo deberán realizar as súas funcións nos seus postos de traballo a porta pechada, e nos supostos de ser posible, de forma telemática.

**Segundo.- Acordar o peche ao público da biblioteca municipal.** Os empregados municipais adscritos aos postos de traballo deste Servizo deberán realizar as súas funcións nos seus postos de traballo a porta pechada, e, nos supostos de ser posible, de forma telemática.

**Terceiro.- Acordar o peche da Oficina de Turismo.** Os empregados municipais adscritos aos postos de traballo deste Servizo deberán realizar as súas funcións nos seus postos de traballo a porta pechada, e nos supostos de ser posible, de forma telemática.

**Cuarto.- Acordar o peche das instalacións deportivas municipais (campos de fútbol e pavillóns).** Os empregados municipais adscritos aos postos de traballo deste Servizo deberán permanecer operativos e dispoñibles durante a xornada laboral para acudir aos seus postos de traballo no suposto de seren requiridos ante situacións de urxencia ou necesidade inaprazable. A estes efectos os traballadores municipais deberán estar localizables. Así mesmo, establécese a necesidade de acudir presencialmente aos seus postos de traballo para a revisión periódica e



realización do mantemento básico da súa competencia co fin de que as instalacións se atopen en óptimo estado para o momento da súa reapertura. Non se fixa un horario específico nin periodicidade mínima, debendo acudir presencialmente as xornadas necesarias e as horas precisas para levar a cabo as funcións referidas.

**Quinto.- Acordar o peche dos centros socioculturais e locais sociais municipais.** Os empregados municipais adscritos aos postos de traballo deste Servizo deberán permanecer operativos e dispoñibles durante a xornada laboral para acudir aos seus postos de traballo no suposto de seren requiridos ante situacións de urxencia ou necesidade inaprazable. A estes efectos os traballadores municipais deberán estar localizables. Así mesmo, establécese a necesidade de acudir presencialmente aos seus postos de traballo para a revisión periódica e realización do mantemento básico da súa competencia co fin de que as instalacións se atopen en óptimo estado para o momento da súa reapertura. Non se fixa un horario específico nin periodicidade mínima, debendo acudir presencialmente as xornadas necesarias e as horas precisas para levar a cabo as funcións referidas.

**Sexto.- Manter o peche da piscina municipal.** Os empregados municipais adscritos aos postos de traballo deste Servizo deberán permanecer operativos e dispoñibles durante a xornada laboral para acudir aos seus postos de traballo no suposto de seren requiridos ante situacións de urxencia ou necesidade inaprazable. A estes efectos os traballadores municipais deberán estar localizables. Así mesmo, establécese a necesidade de dous traballadores adscritos aos postos de operario de mantemento, de acudir presencialmente, en quendas, aos seus postos de traballo para a revisión periódica e realización do mantemento preciso das instalacións.

**Sétimo.- Manter a suspensión das actividades deportivas, culturais, congresos, conferencias, reunións, ou calquer outro tipo de evento ou actividade que estivese previsto levar a cabo en instalacións municipais, sen prexuízo das actividades permitidas conforme á presente Resolución, quedando anuladas ou suspendidas, no seu caso, as autorizacións e cesións de uso de locais, instalacións ou espazos municipais con efectos para o período de vixencia desta suspensión. Así mesmo, durante este período non se autorizarán, neste senso, as solicitudes de cesión ou autorización de locais, instalación ou espazos municipais.**

**Oitavo.- Manter o peche dos baños públicos e dos parques infantís municipais. Manter así mesmo a suspensión da totalidade de festas, verbenas e outros eventos populares, así como das atraccións de feiras no termo municipal de Viveiro.**

**Noveno.- En todos os espazos públicos de titularidade municipal prohibese a permanencia de grupos de persoas non conviventes.** Esta limitación non será aplicable no caso de actividades laborais, institucionais, empresariais, profesionais, sindicais, de representación de traballadores e administrativas, actividades en centros universitarios, educativos, de formación e ocupacionais, sempre que se adopten as medidas previstas nos correspondentes protocolos de funcionamento. Esta limitación tampouco será de aplicación ás actividades que contén cun aforo específico, a excepción de que expresamente se contemple tal limitación.

**Décimo.- Manter a celebración dos mercados que teñen lugar no Concello de Viveiro coas restricións vixentes na actualidade.**

**Décimo Primeiro.- Manter o funcionamento dos servizos administrativos municipais nas condicións existentes na actualidade,** recomendando en todo caso á cidadanía a solicitude de cita previa, sempre que non se trate de situacións de urxencia, co fin de evitar aglomeracións e minimizar os riscos de contaxio.

**Décimo Segundo.- Acordar a adopción de todas as medidas preventivas establecidas na Orde 19 de xaneiro de 2021** pola que se modifica a Orde do 3 de decembro de 2020 pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia, e no **Decreto 5/2021,**



**do 19 de xaneiro de 2021**, polo que se modifica o Decreto 202/2020, do 3 de decembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do disposto polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARSCoV-2. **Aplicaranse así mesmo, en todo o que resulte de aplicación, as medidas establecidas na Orde de 3 de decembro** da Consellería de Sanidade, pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia **e no Decreto 202/2020, do 3 de decembro**, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2.

**Décimo Terceiro.- Estas medidas entrarán en vigor ás 00:00 horas do día 21 de xaneiro de 2021** e manterán a súa vixencia en tanto non sexan modificadas pola Autoridade Sanitaria autonómica competente, ou non sexan revisadas por este Concello, en virtude das normas que se diten polas autoridades competentes, atendendo á evolución da situación epidemiolóxica.

En Viveiro á data que consta á marxe.

A Alcaldesa-Presidenta

Asdo.: María Loureiro García.

Ante min, aos efectos do artigo 3.2 do  
Real Decreto 128/2018

A Secretaria

Asdo.: María Luz Balsa Rábade.

(Documento asinado dixitalmente á marxe)

